



Самога сочилган юлдузлар

ёхуд "Пахтакор-79" фожиасига 40 йил тўлди


2-саҳифа



Билмаганимиз билганимиздан кўп

3-саҳифа

So'nggi manzil



4-саҳифа

Yangi loyihа



Tushda kechmagan umr

Keyingi sonlarda



YOSHILAR OVOZI

Biz — kelajak bunyodkorimiz!

№ 63 (16368)

7-AUGUST, CHORSHANBA

O'zbekiston yoshlar ittifoqining ijtimoiy-siyosiy, iqtisodiy, adabiy-badiiy gazetasi

www.yoshlarovoz.uz

yoshlarovoz@umail.uz

@yoshlarovoz

Халқаро мусобақадан 14 та медаль

Жанубий Африка Республикасининг Дурбан шаҳрида 1 – 6 август кунлари Халқаро математика мусобақаси (IMC 2019) бўлиб ўтди.

Унда юртимиз жамоаси ҳам муносиб иштирок этиб, 14 та медаль ва 2 та фахрий ёрликни қўлга киритди.

Жумладан, Қорақўл туманидаги 1-ИДУМИнинг 7-синф ўқувчиси Анваржон Раҳматов мусобақанинг олтин медалига сазовор бўлди. Пешку туманидаги 18-мактабнинг 10-синф ўқувчиси Жаҳонгир Норбоев кумуш, Қорақўл туманидаги 1-ИДУМИнинг 9-синф ўқувчиси Олимжон Олимов, шу муассасанинг 7-синф ўқувчиси Тўймурод Қодиров, Китеб туманидаги 1-ИДУМИнинг 10-синф ўқувчиси Элдор Нейматов, Бухоро вилояти, Урганч шаҳридаги 6-ИДУМИнинг 7-синф ўқувчиси Бекзод Мақсудов бронза медаль билан тақдирланди.

Жамоавий баҳсда Ўзбекистон терма жамоаси бронза медалига сазовор бўлди. Мусобақада 41 та давлатдан 500 нафардан зиёд иштирокчи ўқувчи математиканинг комбинаторика, сонлар назарияси, геометрия бўлимлари оид мураккаб ва ностандарт масалаларни ечишда беллашди.

Мухбиримиз

Tashabbus

50 киши баҳраманд бўлди

Нукус шаҳридаги Ёшлар марказида "Бешта ташаббус — бешта имконият" акцияси доирасида миллий либослар кўргазмаси ташкил қилинди.

Ёшлар иттифоқининг Қорақалпоғистон Республикаси кенгаши лойиҳага 50 нафарга яқин ишсиз хотин-қизни жалб қилди. Улар ёш дизайнер Дилназ Адилчаевдан маҳорат сабоқларини олди. Машғулотлар давомида либос дизайнида миллий ва замонавий услубларни уйғунлаштириш, қорақалпоқ миллий каштачилик санъати ҳақида фойдали маълумотлар берилди.

Д.Адилчаева яратган янги либослар тўплами намоён бўлиши меҳмонларда ёрқин таассурот уйғотди. Тадбир сўнггида акцияни юқори савияда ўтказишда фаоллик кўрсатган жонқуярларга ташаккурнома ва эсдалик совғалар топширилди.

Индир Мамбетназарова

Huquq va burch

Солиқлар — иқтисодий ривожланиш калити

Соҳибқирон Амир Темур бобомиз "Темур тузуклари" китобида: "Амр эддимки, раиятдан мол-хирож йиғишда уларни оғир ахлоққа солишдан ёки мамлакатни қашшоқликка тушириб қўйишдан сақлансинлар. Негаки, раиятни хонавайрон қилиш (давлат) хазинасининг камбағаллашувига олиб келади", деб таъкидлайди. Мана неча асрди, бу сўзлар ўз долзарблигини йўқотгани йўқ.

(Давоми 2-саҳифада).

Eshitingizmi?

Ҳам ўрганади, ҳам ўргатади



Минск шаҳрида | Беларусь — Ўзбекистон ёшлар IT форуми бўлиб ўтди.

Форумда Ўзбекистон ёшлар иттифоқи Марказий Кенгаши раиси Қаҳрамон Қуранбоев бошчилигида 30 нафар ёшдан иборат делегациямиз иштирок этяпти.

Форум олдидан Беларусь ёшлар иттифоқи ва Ўзбекистон ёшлар иттифоқи ўртасида ўтказилган учрашувда томонлар ахборот технологияларини ривожлантириш борасидаги ўзаро ҳамкорлик масалаларини муҳокама этиб, истиқболли режаларни белгилаб олди. Минск шаҳрида Беларусь — Ўзбекистон ёшларининг ахборот технологиялари соҳасидаги ёзи оромгоҳи ташкил этилди. Унда ўзбекистонлик ёш веб-дастурчилар ҳам 3D моделлаштириш, робототехника, мехатроника, мобил илова яратиш соҳаларида салоҳи-

ятини намоён этмоқда. Оромгоҳ иштирокчилари Беларусь Республикасининг етакчи IT компаниялари фаолияти билан танишди, тажриба алмашди ва дастурлаш бўйича ўқувларда қатнашди. Делегациямиз вакиллари хизмат сафари мобайнида Беларусь Миллий кутубхонаси, Беларусь давлат тарих музейи, Минск шаҳри ва мамлакатнинг бошқа дикатта сазовор масканлари бўйлаб саёҳат қилади.

Беларусь — Ўзбекистон ёшлар форуми хар икки мамлакат ёшлари учун ахборот технологи-

ялари соҳасидаги замонавий муаммоларни муҳокама қилиш, янги технологиялар билан танишиш, ўзаро билим ва қўнқма алмашиш учун платформа вазифасини бажаради.

Форум 9 августгача давом этади.

Ёслаб ўтаман, шу йилнинг сентябрь ойида беларуслик 30 нафар ёш дастурчи Ўзбекистонга тақлиф этилиб, юртимиз ёшлари билан ҳамкорликда тренинглар ўтказиши кўзда тутилган.

Мухбиримиз

Munosabat

Олий таълим тараққиёти

Таълим соҳасида замонавий билим ва юксак маънавий-ахлоқий фазилатларга эга, мустақил фикрлайдиган, юқори малакали кадрлар тайёрлаш — бугунги кун талабидир. Яқинда Ўзбекистон Республикаси Президентининг "Олий ва ўрта махсус таълим тизимига бошқарувнинг янги тамойилларини жорий этиш чора-тадбирлари тўғрисида"ги қарори қабул қилинди.

Қарор таълим тизимини ислох қилиш, муассасалардаги ахволни яхшилаш ҳамда кадрлар сифатини ошириш борасидаги ишларни жадаллаштиради.

Қарорга кўра, Олий ва ўрта махсус таълим вазирлигининг асосий вазифаси сифатида таълимнинг маънавий-ахлоқий мазмунини кучайтириш, ёшларни мустақиллик гоҳларига садоқат, миллий кадриятларга ҳурмат руҳида тарбиялаш, ёт гоҳларга қарши иммунитетини шакллантириш ҳамда кадрларга бўлган эҳтиёжни аниқлаб, таълим йўналишлари ва мутахассисликларини оптималлаштириш, ишлаб чиқариш ва бошқа корхоналарда талабалар амалиётини ташкил этиш каби масалалар белгиланди. Бундан ташқари, таълим сифатини ошириш бўйича чо-

ра-тадбирлар режаси ҳам ишлаб чиқилди.

Тажрибали ва етарли малакага эга педагогларнинг самарали меҳнат қилишини таъминлаш мақсадида Олий ва ўрта махсус таълим вазирлиги ваколатига кирувчи раҳбар ва ходимларни лавозимга тайинлаш ва ундан озод этишнинг самарали тизими йўлга қўйилди. Эндиликда олий таълим муассасаларининг ёшлар билан ишлаш бўйича проректори, Ўзбекистон ёшлар иттифоқи Марказий Кенгаши, илмий ишлар ва инновациялар бўйича проректори Инновацион ривожланиш вазирлиги билан келишилган ҳолда тайинланади.

Ёшларни олий таълим билан камраб олиш даражасини оширишга алоҳида эътибор ка-

ратилган. Таълим сифатини яхшилаш мақсадида хорижий олий таълим муассасалари билан қўшма факультетлар ва икки томонлама диплом бериш дастурлари амалга оширилади. Илгор хорижий тажрибалар асосида олий таълим муассасаларининг ўқув режалари кредит-модуль тизимига босқичма-босқич ўтказилади. Тўлов-контракт асосида таълим олаётган талабалар учун контракт тўловларини амалга ошириш муддатлари олий таълим муассасаси ректори томонидан узайтирилади. Вазирлик олий таълим тизимини 2030 йилгача ривожлантириш Концепцияси тайёрлайди. Олий таълим тўғрисидаги ва ўрта махсус ва касб-хунар таълими тўғрисидаги низомилар бугунги кун талабларига мос равишда

кайта таҳрир этилади. Халқаро даражада илмий тажриба-синовларни амалга оширишга йўналтирилган ноёб илмий-техникавий асбоб-ускуналар билан жиҳозланган 7 та жамоавий фойдаланиладиган лаборатория иш бошлайди.

Соҳа ходимлари меҳнатини муносиб рағбатлантириш мақсадида "Олий таълим фидойиси" ҳамда "Ўрта махсус ва касб-хунар таълими фидойиси" кўрак нишонларини таъсис этиш тўғрисида ҳукумат қарори лойиҳаси ишлаб чиқилди.

Ўқувчи-талабаларни ахборот хуружлари, ёт гоҳлар таъсирдан ҳимоя қилиш, Ватан манфаати йўлида бирлаштириш мақсадида "Блогерлар клуби" фаолияти йўлга қўйилди. Ёшларни илмий-тадқиқотнинг замонавий методлари билан таништириш ва уларнинг илмий фаолиятини методик қўллаб-қувватлаш мақсадида "Докторантура мактаблари" ташкил қилинади. "Булуғли технологиялар" таълим жараёнига босқичма-босқич жорий этилади.

ТОП-1000 халқаро рейтингдан қўшни Қозғоғистоннинг ўнта олий таълим муассасаси ўрин олган. Бизда эса ҳали бирорта ҳам билим юрти бу рўйхатга киритилмаган.

Рўзиқул ОЧИЛОВ

Jarayon

"Биз биргамиз"

Етти ёшдан ўн тўрт ёшгача бўлган болаларни камраб олган "Камалак" болалар ташкилоти "Ёзни "Камалак" билан!" лойиҳаси асосида болалар бундан бундан мазмунли ўтказиб, хордик чиқариши учун республикамизнинг барча оромгоҳ ва маҳаллаларида маданий-маърифий тадбирлар ўтказмоқда. Лойиҳага 3 минг нафардан зиёд болаларнинг таълим қўлдоғлари ҳамда бир ярим мингдан зиёд кўнгилли талабалар жалб этилган.

Жорий йилнинг июль ойида жами 218 оромгоҳ, 928 та соғломлаштириш майдончаси ҳамда 8 минг 745 та маҳаллада лойиҳа доирасида тадбирлар ўтказилди.

"Менинг дўстим китоб ўқийди", "Китобхонлик кунлари", "Менинг юртим Ўзбекистон", "Жонажон Ўзбекистон", "Қувнок стартлар", "Биз биргамиз", "Ватан келажиги сенинг қўлингда" ҳамда "Менинг дўстим мусаввир" каби болаларнинг иштирокчи чархловчи ва улардаги истеъдодли эрта аниқлаб, касб-хунарга йўналтиришга қаратилган қатор тадбирлар, "Асфальтга расм чизиш" танлови, "Жонли шахмат" каби спорт мусобақалари ўтказилмоқда.

— Ёз мавсумида лойиҳага жами 4 миллион нафардан ортиқ болани камраб олиш режалаштирилган, — дейди "Камалак" болалар ташкилоти бўлим муdiri Мархабо Сафарова. — Мавсум давомида болалар саломатлигини яхшилаш мақсадида профлактик даволанмишлар, соғломлаштириш муолажалари ва қўллаб-қувватлаш дастурлар ташкил қилинади. Лойиҳа 20 августгача давом этади.

Динара ЮСУПОВА

